

四部精要

上海古籍出版社

四部精要

上海古籍出版社

17

曹子建集

魏曹植撰

一——二九

陶淵明集

晉陶潛撰

三〇——七〇

李太白文集注

唐李白撰
清王琦注

七一——二八九

杜詩詳注

唐杜甫撰
清仇兆鰲注

二九〇——一〇六四

附補注

王右丞集箋注

唐王維撰
清趙殿成箋注

一〇六五——二二〇八

目錄

曹子建集

目錄

卷一	一
卷二	三
卷三	五
卷四	六
卷五	八
卷六	一一
卷七	一五
卷八	一六
卷九	二〇
卷一〇	二七

箋註陶淵明集

總論

序

目錄

卷一	詩四言	三三
卷二	詩五言	三三
卷三	詩五言	三五
卷四	詩五言	四〇
卷五	雜文	四六
卷六	雜文	五五

目錄

卷七	傳贊	五七
卷八	疏 祭文	五九
卷九	集聖賢羣輔錄上	六一
卷一〇	集聖賢羣輔錄下	六六

李太白文集註

目錄

卷一	古賦	七一
卷二	古詩	七六
卷三	樂府	八八
卷四	樂府	九八
卷五	樂府	一〇八
卷六	樂府	一一五
卷七	古近體詩	一二三
卷八	古近體詩	一二八
卷九	古近體詩	一三五
卷一〇	古近體詩	一四一
卷一一	古近體詩	一四九
卷一二	古近體詩	一五三
卷一三	古近體詩	一六〇
卷一四	古近體詩	一六六
卷一五	古近體詩	一七〇
卷一六	古近體詩	一七四
卷一七	古近體詩	一八〇
卷一八	古近體詩	一八六
卷一九	古近體詩	一九二
卷二〇	古近體詩	一九七
卷二一	古近體詩	二〇三

杜詩詳註

卷二二	古近體詩	二一六
卷二三	古近體詩	二二一
卷二四	古近體詩	二二七
卷二五	古近體詩	二三四
卷二六	表書	二四二
卷二七	序	二四八
卷二八	記 頌 讚	二五四
卷二九	碑銘 祭文	二六一
卷三〇	詩文拾遺	二六八
卷三一	附錄上	二七四
卷三二	附錄下	二八〇

上表	二九〇
序	二九一
本傳	二九二
世係 年譜	二九五
凡例	二九九
目錄	三〇一
卷一	三一七
卷二	三四四
卷三	三七〇
卷四	三九六
卷五	四二三
卷六	四四〇
卷七	四七六
卷八	五〇二
卷九	五二九
卷一〇	五五五

卷一	五八二	卷三	古詩	一〇八四
卷二	六一〇	卷四	古詩	一〇八九
卷三	六三八	卷五	古詩	一〇九四
卷四	六六六	卷六	古詩	一〇九八
卷五	六九四	卷七	近體詩	一一〇四
卷六	七二二	卷八	近體詩	一一〇九
卷七	七四九	卷九	近體詩	一一一三
卷八	七七七	卷一〇	近體詩	一一一八
卷九	八〇五	卷一一	近體詩	一一二三
卷一〇	八三四	卷一二	近體詩	一一二八
卷一一	八六二	卷一三	近體詩	一一三四
卷一二	八九一	卷一四	近體詩	一一三八
卷一三	九一八	卷一五	外編	一一四〇
卷一四	九四六	卷一六	賦表	一一四三
卷一五	九七三	卷一七	表	一一四七
附錄上	一〇〇四	卷一八	狀文書記	一一五三
少陵逸詩	一〇〇四	卷一九	序	一一五七
諸家詠杜	一〇〇六	卷二〇	文讀	一一六二
附錄下	一〇三三	卷二一	碑	一一六八
杜詩補注	一〇三三	卷二二	碑	一一七三
諸家論杜	一〇四三	卷二三	碑	一一七八
王右丞集箋注		卷二四	碑銘	一一八一
序	一〇六五	卷二五	碑銘	一一八四
例略	一〇六七	卷二六	墓誌銘	一一八九
目錄	一〇六八	卷二七	哀辭 祭文 連珠判	一一九二
卷首 弁言	一〇七四	卷二八	論畫	一一九五
卷一 古詩	一〇七八	卷末 附錄		一一九六
卷二 古詩	一〇八〇			

曹子建集目錄

魏陳思王曹 撰

卷第一

東征賦并序

遊觀賦

懷親賦并序

玄暢賦并序

又幽思賦

節遊賦

又感節賦

離思賦并序

又釋思賦并序

臨觀賦

卷第二

潛志賦

閒居賦

愁子賦

叙愁賦并序

愁思賦

又九愁賦

娛賓賦

愁志賦并序

歸思賦

靜思賦

卷第三

感婚賦

出婦賦

洛神賦并序

愁霖賦

喜霽賦

登臺賦

九華扇賦

寶刀賦并序

車渠枕賦

送送香賦

卷第四

神龜賦并序

白鶴賦

蟬賦

鸚鵡賦

鵲賦并序

離鵲鴈賦并序

雀鵲賦

鵲鵲賦

芙蓉賦

酒賦

槐賦

植橘賦

卷第五

公宴

侍太子望

七哀

關鷄

元會

送應氏二首

雜詩六首

喜雨

離友并序

應詔

贈徐幹

贈丁儀

贈王粲

贈丁儀王粲

贈白馬王彪

贈丁翼

朔風

矯志

閨情二首

三良

責躬

情

妬

芙蓉池

雜詩

言志

卷第六

登侯引

升天行二首

仙人篇

妾薄命二首

白馬篇

名都篇

薤露行

豫章行二首

美女行

豔歌

游仙

五游詠

梁甫吟

丹霞蔽日行

怨歌行

善哉行

君子行

平陵東

苦思行

遠游篇

吁嗟篇

蝦組篇

種葛篇

浮萍篇

惟漢行

當來日大難

野田黃雀行

門有萬里客

怨歌行

桂樹枝行

當牆欲高行

當欲遊南山行

當事君行

當車以駕行

飛龍篇

盤石行

驅車篇

卷第七

皇子頌生

玄俗頌

母儀頌

明賢頌

孔子廟頌

學官頌

社頌

宜男花頌

冬至獻饌頌

庖犧贊

女媧贊

神農贊

黃帝贊

少昊贊

顓頊贊

帝嚳贊

帝堯贊

帝舜贊

夏禹贊

殷湯贊

湯禱桑林贊

周文王贊

周武王贊

周成王贊

周公贊

漢高帝贊

漢文帝贊

漢武帝贊

漢景帝贊

姜姬簡狄贊

禹夏贊

班婕妤贊

吹雲贊

赤雀賦贊

巢父贊

務光贊

商山四皓贊 三鼎贊
承露盤銘 寶刀銘

卷第八

改封陳王謝恩章

封二子為公謝恩章

初封安鄉侯表

自試表

謝賜桑表

獻璧表

上牛表

求通親親表

上卞太后誄表

上青躬詩表

冬至獻歲頌表

卷第九

詰咎文

七啓

柳頌序

與楊德祖書

任城王誄

光祿大夫荀侯誄

武帝誄

卞太后誄

行女哀辭

王仲宣誄

卷第十一

漢二祖優劣論

魏德論

辯道論

藉田說

禽惡鳥論

魏德論誣

殺禾鶴鳩

魏德說

曹子建集目錄終

曹子建集卷第一

東征賦并序

建安十九年王師東征吳寇余典禁兵衛官

省然神武一舉東夷必克想見振旅之盛故

作賦二篇

登城隅之飛觀今望六師之所營幡旗轉而

心異兮舟楫動而傷情顧身微而任顯兮愧

任重而命輕嗟我愁其何為兮心遠思而懸

旌師旅憑皇穹之靈佑兮亮元勲之必舉揮

朱旗以東指兮橫大江而莫御

游觀賦

靜閒居而無事將遊目以自娛登北觀而啓

路涉雲際之飛除從麗熊之武士荷長戟而

先驅罷若雲歸會如霧聚車不及回塵不獲

舉奮袂成風揮汗如雨

懷親賦并序

濟陽南澤有先帝故營遂停駕造斯賦焉

猶平原而南驚親先帝之舊營步登臺之常

制識旌旗之所停在官曹之典列心髮鬢冷

平生回驥首而永游赴脩途以尋遠情眷戀

而顧懷魂須臾而九反

玄暢賦并序

夫富者非財也貴者非實也或有輕爵祿而

重榮聲者或有反性命而徇功名者是以孔

老異情揚墨殊義聊作賦名曰玄暢

夫何希世之大人整天壤而作皇該仁聖之

上義據神位以統方補五常之漏月繼三代

以維綱饒余生之倖祿邁九二之嘉祥上同

契於稷禹降合類於伊望思薦實以繼佩恐

和璣之始鑄思黃鐘以協律恐伶彘之不存

璧所圖之莫合悵蘊結而延志希鵬舉以搏

天蹶青雲而奮羽企駟躍而改駕任中才之

展御望前軌而致策顧後乘而安驅匪遲遲

之短脩長前貞而保素弘道德以為字華無

慙以作藩潛慈惠以為圖畊柔順以為田不

塊景而慙魄言縣天之何欲逸千載而流聲

超遺黎而度俗

幽思賦

倚高臺之曲隅處幽僻之閒深望翔雲之悠

悠羗朝霽而夕陰顧秋華而零落感歲莫而

傷心觀躍魚於南沼聆鳴鶴於北林搦素筆

而慷慨揚大雅之哀吟仰清風以嘆息寄余

思於悲絃信有心而在遠重登高以臨川何

余心之煩錯寧翰墨之能傳

節遊賦

覽官宇之顯麗實大人之攸居建三臺於前
虛飄飛陛以凌虛連雲閣以遠徑管觀謝於
城隅亢高輕以同跳緣雲霓而結疏仰西嶽
之崧岑臨漳塗之清渠觀靡靡而無終何渺
渺而難殊亮虛厚之所處非吾人之所廬於
是仲春之月百卉叢生萋萋藹藹翠葉朱莖
竹林青葱珍果含榮凱風發而時鳥謹微波
動而水蟲鳴感氣運之和順樂時澤之有成
遂乃浮素蓋御驂臨命友生携同儕講風人
之所歎遂駕言而出遊步北園而馳驚疾翔
翔以解憂望洪池之澆漭遂降集乎輕舟浮
沉蟻於金壘行觴爵於好求絲竹發而響厲
悲風激於中流且容與以盡觀聊永日而忘
愁嗟羲和之奮迅忘曜靈之無光念人生之
不永若春日之微霜諒遺名之可紀信天命
之無常愈志蕩以淫游非經國之大綱罷曲
宴而旋服遂言歸乎舊房

又感節賦

摎友生而游觀盡賓主之所求登高墉以永
望冀消日以忘憂欣陽春之潛潤樂時澤之
惠休望候鴈之翔集想玄鳥之來游嗟征夫
之長勤雖處逸而懷愁懼天河之一回沒我
身乎長流豈吾鄉之足顧戀祖宗之靈丘唯
人生之忽過若鑒石之未耀慕牛山之哀泣
懼平仲之我哭折若華之翳日庶朱光之常
照願寄軀於飛蓬乘陽風之遠飄亮吾志之

不從乃拊心以嘆息青雲鬱其西翔飛鳥翻
而止匿欲縱體而從之哀余身之無翼大風
隱其四起揚黃塵之冥冥鳥獸驚以來群草
木紛其揚英見遊魚之泮潯感流波之悲聲
內紆曲而潛結心怛惕以中驚匪榮德之累
身恐年命之早零慕歸全之明義庶不忝其
所生

離思賦并序

建安十六年大軍西討馬超太子留監國植
時從馬意有憶戀遂作離思賦云
在肇秋之嘉月將曜師而西旗余抱疾以賓
從扶衡軼而不怡慮征期之方至傷無階以
告辭念茲君之光惠庶沒命而不疑欲畢力
於旌麾將何心而遠之願我君之自愛為阜
朝而寶已水重深而魚悅林脩茂而鳥喜
又釋思賦并序

家弟出養旋父郎中伊子以兄弟之愛心有
戀然作此賦以贈之
彼綱友之離別猶求思乎曰駒况同生之義
絕重肯親而為疎樂驚驚之同池美比翼之
共林亮根異其何戚痛別離之傷心

臨觀賦

登高墉兮望四澤臨長流兮送遠客春風暢
而氣通靈草含幹兮木交並丘陵岫兮松栢
青南園菱兮果載榮樂時物之逸豫悲予志
之長遠歎東山之朔勤歌式微以訴歸進無
路以効功退無隱以營私俯無鱗以遊遁仰

無翼以翻飛

曹子建集卷第一

曹子建集卷第二

魏陳思王曹 植 撰

潛志賦

潛大道以遊志希往昔之遊烈矯貞亮以作
矢當苑囿之呈藝驅仁義以為禽必信忠而
後發退隱身以燕跡進出世而取容且權剛
而和謀接處肅以靜恭亮知榮而守辱匪狗
天以為通

閒居賦

何吾人之介特去朋正而無儔出靡時以娛
志入無樂以消憂何歲月之若驚復民生之
無常感陽春之發節聊輕駕之速翔登高丘
以延企時薄暮而起余仰歸雲以載奔遇蘭
蕙之長園冀芬芳之可服結春衡以延佇入
虛廊之間館步生風之高廡踐空通之脩除
即蔽景之玄宇翫翠翔於南枝玄鶴鳴於北
野青魚躍於東沼白鳥戲於西渚遂乃背通
谷對綠波藉文茵翳春華丹靱更馳羽騎相

過

慰子賦

彼凡人之相親小離別而懷戀况中場之愛
子乃千秋而不見入空室而獨倚對孤幃而
切嘆痛人亡而物在心何忍而復觀日晚晚
而既沒月代照而舒光仰列星以至晨衣露
露而含霜惟逝者之日遠愴傷心而絕腸

叙愁賦并序

時家二女弟故漢皇帝聘以爲貴人家母見
二弟愁思故令予作賦曰

嗟妾身之微薄信未達乎義方遭母氏之聖
善奉恩化之彌長迄盛年而始立脩女職於
衣裳承師保之明訓誦六列之篇章觀圖像
之遺形竊庶幾乎英皇委微軀於帝室克未
列於椒房荷印綬之令服非陋才之所望對
牀帳而太息慕二親以憎傷揚羅袖而掩涕
起出戶而彷徨顧堂宇之舊處悲一別之異

又愁思賦

四節更王兮愁氣悲遠思倘恍兮若有遺原
野蕭條兮煙無依雲高氣靜兮露凝 野草
變色兮莖葉稀鳴蜩抱木兮鴈南飛歸室解
裳兮步庭前月光照懷兮星依天居一世兮
芳景還松喬難慕兮誰能仙長壽命也兮獨
何愆

又九愁賦

嗟離思之難忘心慘毒而含哀踐南嶽之末

境越引領之徘徊捲浮雲以太息顧攀登而

無階匪徇榮而愉樂信舊都之可懷恨時王
之謬聽受奸枉之虛辭揚天威以臨下忽放
臣而不疑登萬陵而反顧心懷愁而荒悴念
先寵之既隆哀後施之不遠雖危亡之不豫

亮無遠君之心刈桂蘭而秣馬舍余車於西
林願接翼於歸鴻嗟高飛而莫攀因風景而
寄言響一絕而不還傷時俗之趨險獨悵望
而長愁感龍鸞而匿跡如吾身之不留賈江

介之曠野獨眇眇而沉舟思孤客之可悲改
予身之翱翔豈天監之孔明將時運之無常
謂內思而自策算乃昔之短殃以忠言而見

黜信母負於時王俗參差而不齊豈毀譽之
可同競昏瞽以營私害予身之奉公共朋黨
而妬賢俾予濟乎長江嗟大化之移易悲性

命之攸遭愁懔懔而繼懷惟慘慘而情挽曠
年載而不同長去君兮悠遠御飛龍之婉婉
揚翠電之華旌絕紫霄而高驚飄弭節於天

庭披輕雲而下觀覽九土之殊形顧南郢之
邦壤咸蕪穢而倚傾駭盤桓而思服仰御驥
以悲鳴行予袂而收涕僕夫感以失聲履先

王之正路豈淫徑之可遵知犯君之招咎恥
干媚而求親顧旋復之無軌長自棄於送演
與塵鹿以爲群宿林藪之蒙蒿野蕭條而極

望曠千里而無人民生期於必死何自苦以
終身寧作清水之沉沉不爲濁路之飛塵踐
踐隨之危阻登崑崙之高峯見失群之難狀

觀偏樓之孤倉懷憤激以切痛苦回思之在

心愁戚戚其無爲遊綠林而逍遙臨白水以
悲蕭悵驚聽以失條亮無怨而弃逐乃余行
之所招

娛賓賦

逸行賓而高會兮丹幃聯以四張辦中厨之
豐膳兮作齊鄭之妍倡文人騁其妙說兮飛
輕翰而成章談在昔之清風兮揔賢聖之紀
綱欣公子之高義兮德芬芳其若蘭揚仁恩
於白屋兮踰周公之并餐聽仁風以忘憂今
豈酒清而肴乾

愁志賦并序

或人有好鄰人之女者時無良媒禮不成焉
彼女遂行適人有言之於予者予心感焉乃
作賦曰

竊托音於往昔近來春之不從思同遊而無
路情壅隔而靡通哀莫哀於永絕悲莫悲於
生離豈良時之難俟痛予質之日虧登高樓
以臨下望所歡之攸居去君子之清宇歸小

人之蓬廬欲輕飛而從之迫惶防之我居
歸思賦

背故鄉而遷徙將遙越乎他濱經平常之舊
居感荒墟而莫振城邑寂以空虛草木穠而
荆藿嗟喬木之無陰處原野其何爲信樂土
之足慕忽并日之載馳

靜思賦

夫何美女之爛妖紅顏睇而流光卓持出而

無天星才好其真當性通暢以聰惠行嫌寡
而妍詳隆高舉以驕日臨綠水之清流秋風
起於中林離鳥鳴而相求愁慘慘以增傷悲
予安能乎淹留

曹子建集卷第二
曹子建集卷第三

魏陳思王曹 撰

感婚賦

陽氣動兮淑清百卉鬱兮含英春風起兮蕭
條蟄蟲出兮悲鳴顧有懷兮妖嬈用難首兮
屏營登清臺以蕩志伏高軒而游情悲良媒
之不顧懼歡嫌之不成慨仰首而太息風飄
飄以動纓

出婦賦

以才薄之陋質奉君子之清塵承顏色以接
意恐疎賤而不親悅新婚而忘妻哀愛惠之
中露遂隨頤而失望退幽屏於下庭痛一旦
而見棄心切切以非驚衣入門之初服背床
室而出征攀僕御而登車左右悲而失聲嗟
竟結而無訴乃愁苦以長窮恨無愆而見棄
悼君施之不終

洛神賦并序

黃初三年余朝京師還濟洛川古人有言斯

水之神名曰宓妃感宋玉對楚王神女之事
遂作斯賦其詞曰

余從京域言歸東藩背伊闕越轅轅經通谷
陵景山日既西傾車殆馬煩爾乃稅駕乎蘄
皋秣駒乎芝田容與乎陽華一作林流時平洛
川於是精移神駭忽焉思散俯則未察仰以
殊觀觀一麗人於岩之畔迺獲御者而告之
曰爾有覲於彼者乎彼何人斯若此之艷也
御者對曰臣聞河洛之神名曰宓妃然則君
王之所見也無奈一作是乎其狀若何臣願
聞之余告之曰其形也翩若驚鴻婉若游龍
榮曜秋菊華茂春松鬋髮兮若輕雲之蔽月
飄飄兮若流風之回雪遠而望之皎若太陽
升朝霞迫而察之灼若芙蓉一作出淥波穠
纖得衷一作脩短合度有若削成腰如約素
延頸秀項皓質呈露芳澤無加鉛華弗御雲
髻裁我脩眉聯娟始丹唇外朗皓齒內鮮明眸
善睐輔屬承權環姿艷逸儀靜體閑柔情綽
態媚於語言奇服曠世骨像應圖披羅衣之
璫繫今珥瑤碧之華裾戴金翠之首飾綴明
珠以耀軀踐遠遊之文履曳霧綃之輕裾微
幽蘭之芳藹兮步踟躕於山隅於是忽焉縱
體以邀以嬉左倚采旄右蔭桂旗攬皓腕於
神游兮采湍瀨之玄芝余情悅其淑美兮心
振蕩而不怡無良媒以接歡兮托微波而通
辭願誠素之先達兮解玉珮以要之嗟佳人
之信脩菴習禮而明詩抗瑤琨以和予兮指

潛淵而為期執春春之款實兮懼斯靈之我
欺感交甫之奔言兮悵猶豫而狐疑收和顏
而靜志兮申禮防以自持於是洛靈感焉從
倚彷徨神光離合乍陰乍陽疎輕軀以鶴立
若將飛而未翔踐椒塗之郁烈步衡薄而流
芳超長吟以永慕兮聲哀厲而彌長爾迺衆
靈雜還命儔儔侶或戲清流或翔神渚或採
明珠或拾翠羽從南湘之二妃携漢濱之遊
女嘆匏瓜之無匹兮詠牽牛之獨處揚輕袿
之猗一作靡兮翳脩袖以延佇體迅飛鳧飄
忽若神凌波微步羅襪生塵動無常則若危
若安進止難期若往若還轉盼流精光潤玉
顏含辭未吐氣若幽蘭華容婀娜令我忘餐
於是屏翳收風川后靜波馮夷鳴鼓蛟女清
歌騰文魚以驚乘鳴玉鑾以偕遊六龍儼其
齊首戴雲車之容裔鯨鯢踊而夾轂水禽翔
而為衛於是越北止過南岡紆素領回清陽
動朱唇以徐言陳交接之大綱恨人神之道
殊兮悲盛年之莫當抗羅袂以掩涕兮淚流
襟之浪浪悼良會之未絕兮哀一逝而異鄉
無微情以效愛兮獻江南之明珠雖潛處於
太陰長寄心於君王忽不悟其所含悵神霄
而蔽光於是背下陵高足往神留遺情想像
顧望懷愁其靈體之復形御輕舟而上泝浮
長川而忘反思綿綿而增慕暮夜耿耿而不寐
霜繁霜而至曙命僕夫而就駕吾將歸乎東
路攬騁轡以抗策悵盤桓而不能去

愁霖賦

迎朔風而爰道兮兩微微而遠行悼朝陽之
隱曜兮怨北辰之潛精神結轍以盤桓兮馬
蹢躅以悲鳴攀扶桑而仰觀兮假九日於天
皇瞻沈雲之決滌兮哀吾願之不將又曰夫
季秋之淫雨兮既彌日而成霖瞻玄雲之騰
晦兮聽長空之淋淋中宵卧而歎息起飾帶
而撫琴

喜霽賦

禹身逝於陽野卒錫圭而告成湯感早於殷
時造桑林而敷誠動玉輶而雲披鳴鑾鈴而
日陽北極以爲期吾將倍道而兼行

登臺賦

從明后之遊遊聊登臺以娛情見天府之廣
開觀聖德之所營建高殿之嵯峨浮雙闕乎
太清立冲天之華觀連飛閣乎西城臨漳川
之長流望衆果之滋榮仰春風之和穆聽百
鳥之悲鳴天功恒其既立家願得而獲呈揚
仁化於宇內盡肅恭於上京雖桓文之爲盛
豈足方乎聖明休矣美矣惠澤遠揚翼佐皇
家寧彼四方同天地之矩量齊日月之輝光

九華扇賦并序

昔吾先君常侍得幸漢桓帝賜方扇不方不
圓其中結成文名曰九華其辭曰
有神區之名竹生不周之高峯對綠水之素
波背玄澗之重深體虛暢以立輪播翠葉以
成林形五難而九華篋解解而縷分效虬龍

之蛺蝶法虹霓之氤氲因形致好不常厥儀
方不應矩圓不中規隨時腕以徐轉發惠風
之寒微時氣清以方厲紛飄動兮紈綺

寶刀賦并序

建安中魏王命有司造寶刀五枚以龍熊鳥
雀爲識太子得一余弟饒陽侯各得一焉
有皇漢之明后思明達而玄通飛文藻以博
致揚武備以禦凶然後礪五方之石鑒以中
黃之壤規圓景以定環據神思而造象陸斷
犀革不斷龍角輕繫浮截刀不纖流踰南越
之巨闕超有楚之秦阿寔具人之攸遇永天
祿而是荷

車渠梳賦

惟新梳之所生于涼風之浚濱采金光之定
色擬朝陽而發輝豐玄素之暗暗帶朱榮之
蕤蕤縕絲綸以肆采藻繁布以相迫翩飄飄
而浮景若驚鴻之雙飛隱神璞於西野彌百
葉而莫希于時乃有篤神后廣被仁聲夷蒸
義而重使獻茲寶於斯庭命公輪使制匠窮
妍麗之殊形華色繁爛文若點成鬱蒼雲蒸
蛺蝶龍征光如激電影若浮星何神怪之巨
偉信一覽而九 雖離珠之聽目內炫耀而
失精何明麗之可悅超群寶而特章侯君子
之閒燕酌甘醴於斯觥既娛情而可貴故求
御而不忘

迷迭香賦

播西都之麗草兮應青春而凝暉流翠葉於

纖柯兮結微根於丹輝信繁華之速實兮弗
見凋於嚴霜芳莫秋之幽蘭兮麗崑崙之英
芝既經時收而采兮遂幽段以增芳去枝葉
而持御今入綰轡之霧縈附玉體以行止兮
順微風而舒光

大暑賦

炎帝掌節祝融司方羲和按轡南雀舞衡蛇
折輦於靈窟龍解角於暗蒼遂乃溫風赫戲
草木垂幹山折海沸沙融礫爛飛魚躍渚潛
龜浮岬鳥張翼而近栖獸交遊而雲散于時
黎庶徙倚蒸布葉分機女絕絳農夫釋耘背
暑者不群而齊跡向陰者不會而成群於是
大人遷居宅幽綏神育靈雲屋重構開房肅
清寒泉涌流玄木香榮積素氷於幽館氣飛
結而爲霜奏白雲於琴瑟朔風感而增涼

曹子建集卷第三

曹子建集卷第四

魏陳思王曹 撰

神龜賦并序

龜壽千歲時有遺余龜者數日而死肌肉消
盡唯甲存焉余感而賦之曰
嘉四靈之建德各潛位乎一方蒼龍虬於東
嶽白虎嘯於西崗玄武集於寒門朱雀棲於
南鄉順仁風以消息應聖時而后翔嗟神龜
之奇物體乾坤之自然下夷方以則地上規

隆而法天順陰陽以呼吸藏景曜於重泉餐
飛塵以實氣飲不竭於朝露步容趾以俯仰
時驚回而鶴顧忽萬載而不恤周無疆於太
素感白靈之翔蕭卒不免乎豫且雖見珍於
宗廟罹剝削之重事欲怨於上帝將等愧
乎游魚懼沈泥之達殆赴芳蓮以巢居安玄
雲而好靜不濡翔而改度昔履周之抗節援
斯靈而托喻嗟祿運之屯蹇終遇獲於江濱
歸籠擅以幽處遭淳義之仁人畫顧瞻以終
日夕撫順而接晨遙遙炎以頌越命勤絕而
不振天道昧而未分神明幽而難燭黃氏沒
於空澤松喬化於扶木蛇虺斷於平春龍脫
骨於深谷亮物類之遷化疑斯靈之解教

白鶴賦

嗟皓麗之素鳥兮含奇氣之淑祥薄幽林以
屏處兮陰重景之餘光狹單翼於弱條兮懼
衝風之難當無沙棠之逸志兮欣六翮之不
傷承邈迤之僥倖兮得接翼於鸞鳳同毛衣
之氣類兮偕休息之同行痛美會之中絕兮
遯嚴穴而遙殃拜太息而抵懼兮抑吞聲而
不揚傷本規之違忤悵離群而獨處恒窺伏
以窮栖獨哀鳴而載羽其大綱之難結得奮
翅而遠遊聆雅琴之清韻記六翮之末流

蟬賦

唯夫蟬之清素兮潛厥類乎太陰在盛陽之
仲夏兮始遊豫乎芳林實澹泊而寡慾兮獨
怡樂而長吟聲嗷嗷而彌厲兮似貞士之介

心內舍和而棄食兮與衆物而無求棲高枝
而仰首兮顧朝露之清流隱柔桑之稠葉兮
快閒居而適暑若黃雀之作害兮患蟬螳之
動斧其飄翔而遠托兮毒蜘蛛之網罟欲降
身而卑窺兮懼草蟲之襲予免災難而弗獲
今遙遷集乎宮宇依名果之茂陰兮托脩幹
以靜處有翻翩之狡童兮步容與於園圃體
離朱之聰視兮安才捷於候獲條罔葉而不
挽兮樹無餘而不緝翳輕驅而奮進兮跪側
足以自閒恐余身之驚駭兮精曾睨而目連
持柔竿之冉冉兮運微黏而我纏欲翻飛而
愈滯兮知性命之長指委厥體於夫炎
炭而就燥秋霜紛以宵下晨風裂其過庭氣
慘怛而薄軀足攀木而失莖吟嘶啞以沮敗
狀枯槁以表形辭曰詩歎鳴蜩聲響兮盛
陽則來大陰逝兮皎皎貞素俟夷節兮帝臣
是戴尚其潔兮

鸚鵡賦

美中州之令鳥越衆類之殊名感陽和而振
翼通太陰以存形遇旅人之嚴網殊六翮之
無遺身挂滯於重籠孤驚鳴而獨歸豈予身
之足惜憐衆雛之未飛分靡軀以潤鑊何全
濟之敢希蒙含育之厚德奉君子之光輝恐
身輕而施重恐往惠之中虧常戰心以懷懼
雖處安其若危永哀鳴其報德庶終來而不
疲

鸚鵡賦

鸚之為禽猛氣其聞終無勝負期於必死遂
賦之焉

美遐析之偉鳥生大行之崑阻體貞剛之烈
性亮乾德之所輔戴毛角之雙立揚玄黃之
勁羽其沈隕而重辱有節士之儀矩降居檀
澤高處保岑遯不同嶺棲必異林若有翻雄
駿游孤鶯驚翔則長鳴挑敵鼓翼專揚踰高
越整雙不雙僂階侍斯珥俯耀文燁成武官
之首飾增庭燎之高暉

離鴈賦并序

余游於武陵中有鴈離繳不能復飛顧命舟
人追而得之故憐而賦焉
憐孤鴈之偏特情惆悵而內傷含中和之絕
氣赴四節而征行遠玄冬於南裔避炎夏於
朔方掛微軀之輕翼忽顛落而離群旅暗驚
而鳴遠徒矯首而莫聞甘充君之下厨膏
牛之鼎鑊蒙生全之顧覆何恩施之隆博於
是縱軀歸命無慮無求飢食稻粱渴飲清流

鵲賦

曰鵲欲取雀雀言雀微賤身卑些少肌肉瘠
瘦所得蓋少君欲相欺實不足飽鵲得雀言
初不敢語頃來轉軻資糧乏旅三日不食略
思死鼠今日相得寧復置汝雀得鵲言意甚
征營性命至重雀鼠貪生君得一食我命是
傾皇天降鑑賢者是聽鵲得雀言意甚怛悅
當死斃雀頭如果絲不早首服烈頸大喚行
人聞之莫不往觀雀得鵲言意甚不移目如

孽椒跳蕭二翅我當死矣略無可避鷄乃置
雀良久方去二雀相逐似是公姬相將入草
共上一樹仍叙本末辛苦相語而共出為鷄
所捕賴我翻捷體素便附說我辨語千條萬
句欺恐舍長令兒大怖我之得免復勝於死
自今從意莫復相妬

蝙蝠賦

曰吁何奸氣生茲蝙蝠形殊性詭每變常式
行不由足氣不假翼明伏暗動盡似鼠形謂
鳥不似二足為毛飛而含齒巢不哺穀空不
浮子不容毛群斥逐羽族下不蹈陸上不馮
木

芙蓉賦

覽百卉之英茂無斯華之獨靈結脩根於重
壤泛清流而擢莖其始榮也嫩若夜光尋扶
桑其揚暉也是若九陽出暘谷芙蓉產蘆
蒹星屬絲條垂珠丹榮吐綠焜焜韓韓爛若
龍燭觀者終朝情猶未足於是攸童媛女相
與同遊擢素手於羅袖接葩於紅中流

酒賦并序

余覽楊雄酒賦辭甚瑰瑋頗戲而不雅聊作
酒賦粗究其終始賦曰
嘉儀氏之造思亮茲美之獨珍仰酒旗之景
曜協嘉號於天辰穆生以醴而辭楚侯虞感
爵而增深其味有宜城醪醴蒼梧縹清或秋
歲冬發或春醞夏成或雲拂潮涌或素蟻浮
萍爾乃王孫公子遊俠翺翔將承芬以接意

會陵雲於朱堂獻酬交錯宴咲無方於是飲
者並醉縱橫誼譁或揚袂屢舞或扣劍清歌
或頻嘯辭觴或奮爵橫飛或款驪駒既駕或
稱朝露未晞於斯時也質者或文剛者或仁
早者忘賤重者忘貧於是矯俗先王聞之而
歎曰噫夫言何容易此乃潘荒之源非作者
之事若耽于觴酌流情縱逸先生所禁君子
所斥

槐賦

美良木之華麗爰獲貴於至尊憑文昌之華
嚴森列峙乎端門觀朱櫨之振條據文陛而
結根揚沉陰以博覆似明后之垂恩在季春
以初茂踐朱夏而乃繁覆陽精之爽景散流
耀以增鮮

植橘賦

有朱橘之珍樹于鶴火之遐鄉稟太陽之烈
氣嘉果日之休光體天然之素分不遷徙于
殊方播萬里而遠植列銅爵之園廷背江川
之暖氣處玄朔之肅清邦換壤別爰用養生
虞彼不凋在此先零朱實不凋焉得素榮惜
寒暑之不均嗟華實之永乖仰凱風以傾葉
美炎氣之所懷颺鳴條以流響晞越鳥之來
栖夫靈德之所感物無微而不和神蓋幽而
易激信天道之不訛既萌振而弗幹諒結葉
而不華漸玄化而弗變非彰德於邦家附微
條以嘆息哀草木之難化
曹子建集卷第四

曹子建集卷第五

魏陳思王曹 植 撰

公宴

公子敬愛客終宴不知疲清夜遊西園飛蓋
相追隨明月澄清影列宿正參差秋蘭被長
坂朱華冒綠池潛魚躍清波好鳥鳴高枝神
飈接丹轂輕輦隨風移飄飄放志意千秋長
若斯

侍太子坐

白日曜青春時雨靜飛塵寒水辟炎景涼風
飄我身清醴盈金觴餽饌縱橫陳齊人逸奇
樂歌者出西秦翩翩我公子機巧忽若神

七哀

明月照高樓流光正徘徊上有愁思婦悲歎
有餘哀借問歡者誰言是宕子妻君行踰十
年孤妾常獨棲君若清路塵妾若濁水泥浮
沉各異勢會合何時諧願為西南風長遊入
君懷君懷良不開賤妾當何依

聞鵲

遊目極妙伎清聽厭官商主人寂無為衆賓
進樂方長筵坐戲客聞鵲聞鵲房群雄正擎
赫雙翅自飛揚揮羽邀清風俾目發朱光驚
落輕毛散震距往往傷長鳴入青雲翮翼獨
翔翔願蒙狸膏助常得擅此場

元會

初歲元祚吉日惟良乃為佳會宴此高堂衣
裳鮮潔黼黻玄黃珍膳雜還充溢圓方俯視

文軒仰瞻華梁願保茲喜千載為常歡笑盡
娛樂哉未央皇家榮貴壽考無疆

送應氏二首

步登北邙一作一作阪遙望洛陽山洛陽何寂寞
宮室盡燒焚垣墉皆頓擗荆榛上參天不見
舊耆老但觀新少年側足無行運荒囂不復
田遊子久不歸不識陌與阡中野何蕭條千
里無人煙念我平生親一作一作氣結不能言

又

清時難得嘉會不可常天地無終極人命
若朝霜願得展嬾婉我友之朔方親昵並集
送置酒此河陽中饋豈獨薄賓飲不盡觴愛
至望苦深豈不愧中腸山川阻且遠別促會
日長願為比翼鳥施翮起高翔

雜詩六首

高臺多悲風朝日照北林之子在萬里江湖
迥且深方舟安可極離思故難任孤鴈飛南
游過庭長哀吟翹思慕遠人願欲托遺音形
影忽不見翻翻傷我心

其二

轉蓬離本根飄飄隨長風何意迴颼舉吹我
入雲中高海上無極天路安可窮類此游客
子捐軀遠從戎毛褐不掩形薇蕢常不充去
去莫復道沈憂令人老

其三

西北有織婦綺綺何續紛明晨秉機杼日吳
不成文太息終長夜悲嘯守青雲妾身入空

關良人行從軍自期三年歸今已歷九春飛
鳥遶樹翔數鳴常群願為南流景馳光見
我君

其四

南國有佳人容華若桃李朝游北海一作一作岸
夕宿瀟湘止時俗薄朱顏誰為發皓齒俯一作一作
仰歲將暮榮耀難久恃

其五

僕夫早嚴駕吾行將遠遊遠遊欲何之吳國
為我仇將聘萬里塗東路安足由江介多悲
風淮泗馳急流願欲一輕濟惜哉無方舟閑
居非吾志甘心赴國憂

其六

飛觀百餘尺臨牖御極軒遠望周千里朝夕
見平原烈士多悲心小人喻一作一作自開國
亮不塞甘心思長元拊劍西南望思欲赴太
山絃急悲聲發聆我慷慨言

其七

天覆何彌廣苞育此群生并之必懷悻悻惠之
則滋榮慶雲從北來鬱述西南征時雨終夜
降長雷周我廷喜種盈膏壤登秋必有成

離友并序

鄉人有夏侯威者少有成人之風余尚其為
人與之昵好王歸振旅送予于魏邦心有眷
然為之隕涕乃作離友之詩其辭曰
王旅遊兮昔故鄉彼君子兮萬人剛腰予行
兮歸朔方馳原隰兮尋舊疆載車奔兮馬繁

驥涉浮濟兮泛輕航迄魏都兮息蘭房展宴
好兮惟樂康

應詔

肅承明詔應會皇都星陳風駕馬脂車命
彼掌徒肅我征旅朝發營臺夕宿蘭渚芒芒
原隰祁祁士女經彼公田樂我稷黍爰有膠
木重陰匪息雖有饑糧飢不遑食望城不過
面色不泮僕夫警策平路是由玄駟藹藹揚
鑠漂沫流風翼衡輕雲承蓋涉澗之濱綠山
之隈遙彼河澨黃坂是階西濟關谷或降或
升駢駢倦路載寢載興將朝聖皇匪敢晏寧
珥飾長驚指日遙征前驅舉燧後乘抗旌輪
不輟運驚無廢聲爰暨帝室稅此西壩嘉詔
未賜朝覲莫從仰瞻城闕俯惟闕庭長懷永
慕憂心如醒

贈徐幹

驚風飄白日忽然歸西山圓景光未滿衆星
繁以繁志士營世業小人亦不閒聊且夜行
游游彼雙闕間文昌鬱雲興迴風高中天春
鳩鳴飛棟流焱激極軒顧念蓬室士貧賤誠
足憐薇蕢弗充虛皮褐猶不全慷慨一作一作
悲心興文自成篇寶棄怨何人和氏有其愆
彈冠俟知己知己誰不然良田無晚歲膏澤
多豐年亮懷璵璠美積久德愈宣親交義在
敦申重復何言

贈丁儀

初秋涼氣發庭樹微銷落凝霜依玉除清風

飄飄聞朝雲不歸山霖雨成川澤黍稷委時
隴農夫安所獲在貴多忘賤為思誰能博孤
白足禦冬為念無衣客思慕延陵子寶劍非
所惜子其寧爾心親交義不薄

贈王粲

端坐苦愁思攬衣起西遊樹木發春華清之
激長流中有孤鶩驚哀鳴求匹儔我願執此
鳥惜哉無輕舟欲歸忘古道顧望但懷愁
風鳴我側義和逝不留重陰潤萬物何懼澤
不周誰令君多念遂一作使懷百憂

又贈丁儀王粲

從軍度函谷驅馬過西京山峯一作高無極
涇渭揚濁清壯哉帝王居佳麗殊百城負閭
浮出雲承露臺秦清皇佐揚天惠四海無交
兵權家雖愛勝全國為令名君子在末位不
能歌德馨丁生怨在朝王子歎自營難一作
怨非貞則中和誠可經

贈白馬王彪

揭帝承明廬遊將歸舊疆清晨發皇邑日夕
過首陽伊洛廣且深欲濟川無梁汎舟越洪
濤怨彼東路長顧瞻戀城關引領情內傷太
谷何家廬山樹蒼蒼霖雨泥我塗流涕浩
縱橫中達絕無執改轍登高崗脩坂造雲日
我馬玄以黃玄黃猶能進我思鬱以紆鬱紆
將難進親愛在離居本圖相與偕中更不克
俱鳴鳥鳴衡柅豺狼當路衢蒼蠅問白黑謔
巧令親疎欲還絕無踐攬轡止踟躕踟躕亦

何留相思無終極秋風發微涼寒蟬鳴我側
原野何蕭條白日忽西匿歸鳥赴喬林木作
翻翻屬羽翼孤獸走索群街草不遑食感物
傷我懷撫心長太息太息將何為天命與我
違奈何念同生一往形不歸孤魂翔故域作
靈柩寄京師存者忽復已一作過亡沒身自
棄人生處一世去若朝露晞年在桑榆間影
響不能追自顧非金石咄嗟令心悲心悲動

我神棄置莫復陳丈夫志四海萬里猶比隣
愛恩苟不虧在遠分日親何必同衾幃然後
展慙慙憂思成疾疢一作無乃兒女仁倉卒
骨肉情能不懷苦辛苦辛何慮思天命信可
疑虛無求列仙松子久吾欺變故在斯須百
年誰能持離別永無會執手將何時王其愛
玉體俱享黃髮期收淚即長路援筆從此辭

贈丁翼

嘉賓填城關豐膳出中厨吾與二三子曲宴
此城隅秦琴發西氣齊瑟揚東謳肴來不虛
歸觴至反無餘我豈狎異人朋友與我俱大
國多良材譬海出明珠君子義休偁小人德
無儲積善有餘慶榮枯立可須泊蕩固大節
世俗多所拘君子通大道無願為世儒

朔風

仰彼朔風用懷魏都願騁代馬倏忽北徂凱
風永志思彼蠻方願隨越鳥翻飛南翔四氣
代謝懸景運周別如俯仰脫若三秋昔我初
還未華未希今我旋止素雲云飛俯降千仞

仰登天阻風飄蓬飛載離寒暑千仞易改天
阻可越昔我同袍今永乖別子好芳草豈忘
爾貽繁華將茂秋霜悴之君不垂眷豈云其
誠秋蘭可喻桂樹冬榮絃歌蕩思誰與銷憂
臨川慕思何為泛舟豈無和樂非我鄰誰
忘況舟愧無榜人

芳樹雖香難以餌烹尸位素餐難以成名礪
石引鐵於金不連大朝舉士愚不聞焉抱璧
金乞無為貴寶履仁謙福無為貴道驚離遠
害不羞卑棲靈虬避難不恥汚泥都蔗雖甘
杖之必折巧言雖美用之必滅濟濟唐朝萬
邦作乎蓬蒙雖巧必得良弓聖主雖知必得
英雄螳螂見嘆齊士輕戰越王輕蛙國以死
獻道遠知驥世偽知賢覆之壽之順天之矩
澤如凱風惠如時雨口為禁闔舌為發機門
機之開搭矢不追

矯志

閨情二首
覆衣出中閨道遙步兩楹閒房何寂寞綠華
被塔庭空穴一作自生風百鳥翔南征春思
安可忘憂戚與君并佳人在遠道妾身單且
筵歡會難再逢一作芝蘭不重榮人皆棄舊
愛君豈若平生寄松為女蘿依水如浮萍一作
身奉衿帶朝夕不墮一作傾儻終顧盼恩作
驕矜一作永副我中情

有一美人被服纖羅妖姿艷麗若春華紅
顏轉曄雲髻峨峨彈琴撫節為我絃歌清濁

一〇

齊均既亮且和取樂今日是恤其他

三良

功名不可為忠義我所安秦穆先下世三臣
皆自殘生時等樂樂既同憂患誰言捐軀
易殺身誠獨難涕登君墓臨穴仰天歎長
夜何冥冥一往不復還黃鳥為悲鳴哀哉傷
肺肝

責躬

於穆顯考時惟武皇受命于天寧濟四方朱
旗所拂九土披攘玄化滂流荒服來王超商
越周與唐比蹤萬生我皇亦世載聰武則肅
烈文則時雍受禪于漢君臨萬邦萬邦既化
率由舊章廣命懿親以藩王國帝曰爾侯君
茲青土奄有海濱方周于魯車服有輝旗章
有叙濟濟萬又我爾我輔伊爾小子侍寵
盛舉挂時綱動亂國經作藩作屏先軌是墮
傲我皇使犯我朝儀國有典刑我削我黜將
真于理元克是率明明天子時惟篤類不忍
我刑暴之朝肆遠彼執憲哀予小子改封充
邑于河之濱股肱弗置有君無臣荒淫之闕
誰弼余身榮榮僕夫于彼冀方嗟予小子乃
罹斯殃赫赫天子恩不遺物冠我玄冕要我
朱紱光光大使我榮我華割符授玉王爵是
加仰齒金璽俯執聖策皇恩過隆祇承休惕
容我小子頑克是嬰遊懸陵墓存愧闕庭匪
敢傲德寬恩是恃威靈改加足以歿齒昊天
罔極生命不圖常懼顛沛抱罪黃墟願蒙矢

石建旗東嶽康立毫釐微功自贖危軀授命

知足免戾甘赴江湘奮戈吳越天啓其衷得

會京畿運奉聖顏如渴如飢心之云慕愴矣

其悲天高聽卑皇有照微

情詩

微陰翳陽景清風飄我衣游魚潛綠水翔鳥
薄天飛眇眇客行士徃役不得歸始出嚴霜
結今來白露晞遊者嘆黍離處者歌式微懷
慨對嘉賓悽愴內傷悲

妬

嗟爾同舍曾不是志寧彼治容安此妬忌

芙蓉池

遙遙芙蓉池翩翩戲輕舟南陽雙栖鶴北柳
有鳴鳩

雜詩

悠悠遠行客去家千餘里出亦無所之入亦
無所止浮雲翳日光悲風起動地

言志

慶雲未時興雲龍潛作魚神鸞失其儔還從
燕雀居

曹子建集卷第五

曹子建集卷第六

魏陳思王曹 撰

筵篋引

置酒高殿上親友從我遊中厨辦豐膳烹羊
宰肥牛秦箏何慷慨齊瑟和且柔陽阿奏奇
舞京洛出名謳樂飲過三爵緩帶傾庶羞主
稱千金壽賓奉萬年酬久要不可忘薄終義
所尤謙謙君子德整折何所求驚風飄白日
光景馳西流盛時不再來百年忽我道生存
華屋處零落歸山丘先民誰不死知命復何
憂

升天行二首

乘蹕追術士遠之蓬萊山靈液飛素波蘭桂
上參天玄豹游其下翔鸞戲其巔乘風忽登
舉彷彿見衆仙

舉彷彿見衆仙

扶桑之所出乃在朝陽谿中心陵蒼昊布榮
蓋天涯日出登東幹既以歿西枝願得紆陽
轡回日使東馳

仙人篇

仙人攬六著對博太山陽湘娥拊琴瑟秦女
吹笙竽玉樽盈桂酒河伯獻神魚四海一何
局九州安所如韓終與王喬要我於天衢萬
里不足步輕舉凌太虛飛騰踰景雲高風吹
我軀迴駕觀紫微與帝合靈符閭闔正嵯峨
雙闕萬丈餘玉樹扶道生白虎夾門樞驅風
遊四海東過王母廬俯觀五嶽間人生如寄
居潛光養羽翼進趨且徐徐不見軒轅氏乘

一作龍出鼎湖徘徊九天上與爾長相須

姜薄命二首

携玉手喜同車北上雲閣飛除釣臺臺清
虛池塘觀沼可娛仰泛龍舟綠波俯擢神草
枝柯想彼定妃洛河還詠漢女相娥
日月既遊西歲更會蘭室洞房華燈步障舒
光皎若日出扶桑促樽合坐行觴主人起舞
盜盤能者穴觸別端騰飛爵閣于同量等
色齊顏任意交屬所歡朱顏發外形蘭袖隨
禮容極情妙舞仙仙體輕雲解履遺絕纓俛
仰咲喧無呈覽持佳人玉顏齊舉金爵翠盤
手形羅袖良難脫弱不勝珠璣生者歎息舒
顏御巾裏粉君傍中有霍納都梁鷄舌五味
雜香進者何人齊姜恩重愛深難忘召延親
好宴私但歌孟來何遲客賦既醉言歸主人
稱露未晞

白馬篇

白馬飾金羈連翩西北馳借問誰家子幽并
遊俠見少小去鄉邑揚聲名一作沙漢垂宿昔
乘良弓控矢何參差控弦破左的右發摧月
支仰手接飛猱俯身散馬蹄狡捷過猴猿勇
剽若豹螭邊城多警急虜騎一作虜數遷移羽
檄從北來厲馬登高堤長驅蹈匈奴左顧陵
鮮卑棄身鋒刃端性命安可懷父母且不顧
何言子與妻名在一一作壯士籍不得中顧私
捐軀赴國難視死忽如歸

名都篇

名都多妖女京洛出少年實鈿直千金被服
麗且鮮關鷄東郊道走馬長楸間馳騁未能
半雙兔過我前攬弓捷鳴鏑長驅上南山左
挽因右發一縱兩禽連餘巧未及展仰手接
飛鸞觀者咸稱善衆工歸我妍我歸宴平樂
美酒斗十千膾鯁胎鰕鮓鮓炙熊蹯鳴鶴
嘯四侶列坐竟長筵連翩擊鞠壤巧捷惟萬
端白日西南馳光景不可攀雲散還城邑清
晨復來還

薤露行

天地無窮極陰陽轉相因人居一世間忽若
風吹塵願得展功勤輸力於明君懷此王佐
才慷慨獨不群鱗介專神龍走獸宗麒麟蟲
獸豈知德何況於士人孔氏刪詩書王業燦
已分騁我運寸翰流藻華華芬

豫章行

窮達難豫圖禍福信亦然虞舜不逢堯耕耘
處中田太公未遭文漁釣終渭川不見魯孔
丘窮困陳蔡間周公下白屋天下稱其賢
又
鴛鴦自朋一作親不若比翼連他人雖同盟
骨肉天性然周公穆康叔管蔡則流言子臧
讓千乘季扎慕其賢

美女篇

美女妖且閑採桑歧路間柔條紛冉冉落葉
何翩翩袖袖見素手皓腕約金環頭上金爵
釵腰佩翠琅玕明珠交玉體珊瑚間玉木一作

難羅衣何飄飄輕裾隨風還顧盼遺光彩長
嘯氣若蘭行徒用息駕休者以忘餐借問女
何居乃在城南端青樓臨大路高門結重關
容華耀朝日誰不希令顏媒氏何所營玉帛
不時安佳人慕高義求賢良獨難衆人徒歎
嗽安知彼所觀盛年處房室中夜起長歎

鼉鼓歌

出自蘭北門遙望湖池桑枝枝自相植葉葉
自相當

遊仙

人生不滿百歲歲少歡娛意欲奮六翮排霧
凌紫虛蟬蛻同松喬翻跡登昇湖翔翔九天
上騎鸞遠行將東觀扶桑曜西臨弱水流北
極玄天渚南翔陟丹丘

五游

九州不足步願得凌雲翔逍遙八紘外將目
歷遐荒披我丹霞衣襲我素霓裳華蓋芬騰
鶴六龍仰天瞻曜靈未移景倏忽造吳蒼閭
闔啓丹扉雙闕曜朱光徘徊文昌殿登陟太
微堂上帝休西極群后集東甬帶我瓊瑤佩
漱我沆瀣漿踞蹕玩靈芝徙倚弄華芳王子
奉仙藥美門進奇方服食享遐紀延壽保無
疆

梁甫行

八方各異氣千里殊風雨劇哉邊海民寄身
於草墅妻子儻禽獸行止依林阻柴門何蕭
條孤兔翔我宇